

«Յիշատակ է գիրքս ի սբ. Ծնունդն Հայոց վանքն ս. Ածածին եկեղեցին, ով ոք որ ընթեռնու և օգտի Ած. ողորմի ասացէ գիրքս գծողին տէր Մարտիրոս սուտ արեղային և տանս աշխատաւոր Եղիա վրդպ. ին և տէր Խաչատուր սբ. ճգնաւորին և այլ հասարակ միաբան եղբարց մեծի և փոքու: Գրեցաւ թվին ՌՃԾԲ (=1703) Յունվար ա. . . ուրբաթ. այս ամն յոյժ խառնակութիւն է առաջնորդաց. Ած. խաղաղութիւն տացէ իւրեանց:» Սոյն ձեռագիրը ՌՃՁԹ (=1740) կը նորոգէ Ղազար վրդ. Եւզոկիացին, «ս. Ծննդեան ի դուռն ս. Ած. ածնի»: (Մապ. Յուց. տետր ԻԵ. էջ 1903): ՄՁ. Թ. 1925 ձեռագիր Աստուածաշունչին մէջ Դաւիթ եպիսկոպոսի յիշատակարանին ներքեւ, Մարտիրոս ար. մանր բոլորգրով առանց թուականի կը գրէ հետեւեալը. «ըստ նախնեացն և զիմ ծնողացն ողորմի ասացէք. կորագէմ Մարտիրոս արեղայս ոչ սակաւ աշխատութեամբ գրեցի զներքի լուսանցքին անուանս, հիք, կտակաց. զի առանց աշխատանաց զիւրաւ գտցի սիրով խնդրողաց»: Թերեւս նոյն անձն է նաև ՄՁ. Թ. 480 ձեռագիր Հաւաքածոյին գրիչը Մարտիրոս ար. Թօխատեցի, որ 1720ին ընդօրինակած է զայն (Տեղև՝ անորոշ):

**ՄԱՐՏԻՐՈՍ ԱԿՆՑԻ (ԿԱՄՐԿԱՊ.)**— Յիշատակարանի մը համաձայն կողակիցը մհտ. Տիրուհին, որդին՝ մհտ. Վարդերես 1754ին սբ. Յակոբի կը նուիրեն սակիէ սկիհ մը յիշատակ նընջեցելոց (Յուց. պ.):

**ՄԱՐՏԻՐՈՍ ԱՄԻՐԱՅ ՍԱԽԱՅԵԱՆ, ՊՈԼՍԵՑԻ.**—Ս. Գլխագրի մատրան նուիրած է մէկ Չախնոց արծաթի վարագոյր, (Յուց. ՊԵ. Թեոդորոսի, 1817):

**ՄԱՐՏԻՐՈՍ Յ. ԱՆԱՆԻԿԵԱՆ (ԲՐՕՖ.) ՍԵՔԱՍՏԱՑԻ.**— Ծ. 1875 ին, աշկ. Այնթապի Կեդր. Թուրքիոյ Գօլէճին, յետոյ Ամերիկա երթալով Springfieldի Միջազգային գօլէճին մէջ կը հտեւի դասական լեզուներու, 1897-1899ին. կը շարունակէ իր ուսումը Հարթֆըրտի աստուածաբանական ճեմարանին մէջ 1899-1902. Ժամանակ մըն ալ Պէրլինի և Լայփցիկի համալսարանները կը յաճախէ և յետոյ չկրնալով Այնթապ երթալ քաղաքական պատճառներով կը մնայ Պուլկարիա, ուր Վառնայի Ազգ. Վարժարանին մէջ ուսուցչական պաշտօն կը վարէ 1904-5. 1905ին իբր փոխ-գրապահ և իբր ուսուցչապետ պատմութեան և թուր-